

UNIVERZITET U BIHAĆU

telefon/faks: 387 (0) 37 222-022
adresa: Pape Ivana Pavla II 2/2,
77000 Bihać
email: rektorat@unbi.ba



UNIVERSITY OF BIHAĆ

phone/fax: 387 (0) 37 222-022
address: Pape Ivana Pavla II 2/2,
77000 Bihać
email: rektorat@unbi.ba

SENAT

Broj: 06-6417/2017

Bihać, 19.10.2017. godine

Na osnovu odredaba člana 61. i člana 218. Statuta Univerziteta u Bihaću, te Standarda i normativa za obavljanje djelatnosti visokog obrazovanja na području Unsko-Sanskog kantona (Sl. glasnik USK-a br. 12/12 od 15. maja 2012.godine), Senat Univerziteta na svojoj XVII (sedamnaestoj) redovnoj sjednici, održanoj dana 19.10.2017. godine donio je

PRAVILNIK O ANGAŽOVANJU NASTAVNIKA UNIVERZITETA U BIHAĆU NA PRIVATNIM VISOKOŠKOLSKIM USTANOVAMA U ZEMLJI I INOSTRANSTVU

Član 1.

Ovim Pravilnikom bliže se uređuju uslovi međusobne razmjene nastavnika i saradnika Univerziteta u Bihaću za angažman na privatnim akreditiranim visokoškolskim ustanovama u zemlji i inostranstvu sa kojima UNBI ima potpisan Ugovor o saradnji, te postupak davanja saglasnosti za takav angažman.

Privatnom visokoškolskom ustanovom u smislu ovog Pravilnika smatra se svaka privatna visokoškolska ustanova u zemlji i inostranstvu.

Član 2.

Radi zabrane takmičenja zaposlenika sa matičnim Univerzitetom, zaposlenik se može angažovati izvan Univerziteta samo uz prethodno odobrenje Senata Univerziteta u Bihaću, kako je to i regulisano ovim Pravilnikom.

Senat ovlaštenja iz prethodnog stava može prenijeti na Rektora o čemu donosi posebnu odluku.

Član 3.

Zahtjev za davanje saglasnosti za angažman na privatnoj visokoškolskoj ustanovi zaposlenik podnosi Rektor u uz prethodno pribavljeno pismeno mišljenje dekana fakulteta.

Zaposlenik podnosi zahtjev Rektor u Univerziteta prije početka nastave u semestru, uz koji prilaže mišljenje dekana fakulteta iz prethodnog stava, te zahtjev privatne visokoškolske ustanove kojim se iskazuje potreba za njegovim angažmanom.

Na odluku Senata/Rektora zaposlenik koji nije zadovoljan istom, može podnijeti zahtjev za njeno preispitivanje Senatu u roku od 15 (petnaest) dana od dana prijema Odluke.

Odluka Senata iz prethodnog stava je konačna.

Član 4.

Zaposlenik koji nije pribavio saglasnost u smislu člana 3. ovog Pravilnika, ne može, u svoje ime i za svoj račun, kao ni za račun druge privatne visokoškolske ustanove, učestvovati u izvođenju nastave na drugoj privatnoj visokoškolskoj ustanovi.

Član 5.

Ako zaposlenik postupi suprotno odredbama iz prethodnog člana ovog Pravilnika, čini svojom krivicom težu povredu radne obaveze, te poslodavac ima ovlaštenje da poduzme Zakonom i normativnim aktima Univerziteta u Bihaću određene propisane mjere.

Član 6.

Univerzitet će voditi jedinstvenu evidenciju o zahtjevima za angažman i rad nastavnika i saradnika u skladu sa ovim Pravilnikom, u Uredu za nastavu i studentska pitanja.

Član 7.

Optimalno sedmično opterećenje nastavnika na Univerzitetu u Bihaću i na drugim angažiranim visoko školskim ustanovama ne može biti veće od 12 sati u zbiru, osim ako je to po ocjeni Rektora u interesu Univerziteta u Bihaću, shodno zaključenom Ugovoru o međusobnoj saradnji dvije visokoškolske ustanove.

Član 8.

Izvođenje nastave odnosno angažman na privatnim visokoškolskim ustanovama zaposlenik Univerziteta u Bihaću moći će obavljati samo u neradne dane.

Član 9.

Ovaj Pravilnik stupa na snagu narednog dana od dana objavljivanja na oglasnoj tabli i na WEB stranici Univerziteta u Bihaću, a primjenjivat će se od početka akademske 2017/18. godine.



PREDSJEDNIK SENATA

dr.sc. Fadil Islamović